



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Acta Ecclesiae Mediolanensis**

Acta Synodalia Dioecesana Ecclesiae Mediolanensis, Pars Secunda

**Borromeo, Carlo**

**Brixiae, 1603**

Decreta Edita in Synodo Dioecesana septima Mediolanensi.

**urn:nbn:de:hbz:466:1-11399**

**DECRETA EDITA**  
in Synodo Diœcesana septima  
Mediolanensî.

In nomine sanctæ & indiuiduæ Trinitatis, Patris, & Filij, & Spiritus sancti. Amen.

Nos Carolus S. R. E. Presb. Cardinalis Tit. S. Praxedis, Dei Apostolicæque sedis gratia Archiepiscopus sanctæ Mediolanensî Ecclesiæ, hæc vt infra monemus & decernimus.

Decretum. I.

De synodali disciplina



**M**ULTIPLEX, & graue admodum munus, cū in omnibus alijs curæ Archiepiscopalis rationibus, tum vero etiam in omni synodali actione nobis impositū esse agnoscimus. Quod sanè quidem non modò pastorali quodam desiderio, aut voluntatis significatione, sed studio, officio, atque adeo omni opere sanctè religiosè; exequi debemus. Cū autem conscij simus, eam esse humanæ conditionis nostræ imbecillitatem, vt [ non sumus sufficientes ne cogitare quidem aliquid ex nobis, tanquam ex nobis; ] sed sufficientiam omnem, quæcunq; sit, à Deo patre luminū existere, qui postulantis à se sapientiā [ dat omnibus affluenter, & non improperat eis: ] ideo non viribus nostris que exiguæ sanè sunt, confisi, sed Dei vnus cuius ministri sumus, ope atque auxilio freti, toto animo totaq; mente supplices illud ab eo deprecamur, vt quæcunq; in hac diœcesana synodali actione opportuna sunt, in ijs vel promouendis, vel decernendis, vel exequendis, ad esse nobis sancti sui spiritus lumine dignetur.

Monemus præterea sacerdotes omnes & singulos, vt & sanctissimis precibus, & Missæ sacrificio, synodalem hanc nostrā actionem, quam hodierno die aggredimur, adiuuare studeant; orantes in primis pro optimo eiusdē synodalis actionis successu, vt ciuitas & diœcesis hæc Mediolanensîs salutaribus adiuta disciplinæ institutis, in dies suffragantibus sanctissimi Patris Ambrosij, & beatissimi

morum Gerasij & Protasij patronorū nostrorū, & aliorum sanctorum meritis, fructus asserat vberiores in Domino. Clerici præterea omnes & singuli, frequentiori orationis studio illud idem piè à Deo precentur.

Quoniam verò nihil ferè sæpius diuinis literis commendatum est. [ Et reliqua, quæ mox in superiori synodo adhibita sunt ad illius celebrandæ initiū. ] Alia item stata deere, ad omnem synodi inchoandę rationem vsūq; accommodata, eodem loco explicata sunt.

Decretum. II.

**V**OBIS præterea omnibus & singulis, qui huic synodo iure interesse debetis, pena excommunicationis proposita vetamus, vt ne vestrum aliquis, antequam hæc nostra diœcesana synodus de more absoluta ac dimissa sit, ab vrbe Mediolano discedat, facultate sibi à nobis non concessa: sed huic synodo, synodalibusq; sessionibus aut conuentibus quibuscunq; que qui indicentur, omnes & singulos vos interesse iubemus eadem proposita pena.

Ne quisquē Mediolano ante Synodi dimissionē recedat.

Decretum. III.

**E**T quoniam veteris instituti solennisq; ritus est, in eiusmodi synodali conuentu pro publicis rebus orationem fieri: ideo in omni prece, & à sacerdotibus præsertim in Missæ sacrificio, his synodalibus diebus ad Deum orationem adhiberi edicimus pro his vt infra ordine descriptis.

Pro quibus orandum tempore synodi.

Pro sanctiss. D. N. Gregorio Papa XIII.

Pro sanctæ Ecclesiæ tranquillitate.

Pro Serenissimo Rege nostro Catholico Philippo.

Pro felici prosperoque successu rerum & status Regni Portugalliæ.

Pro sedandis tumultibus Flandriæ.

Pro Christianæ disciplinæ cleri populiq; conformatione & progressionē, in vrbe, diœcesi, & prouincia Mediolani.

Pro ministerio omni Archiepiscopali nostro, præsertim in hac rerum synodali tractatione.

Pro ministris nostris, quos in huius vrbe, diœcesis, & prouinciæ nobis commissæ culturam adhibemus.

De-



## Decretum. IIII.

De commemoratione p mortuis. Tit. quæ ad diuin. offic. pert. §. In sy nod. pa. 173.

EDICIMVS præterea ex decreto Concilij nostri Prouincialis quinti; cras p sacerdotibus, & clericis, qui post proximam synodum obierunt solennem commemorationem fieri.

Decreti synodalis formula de professione fidei, paulò ante in synodo sexta enucleatè præscripta est.

## Decretum. V.

De promulgatione decret. Trid. Conc. de re fidentia.

Sess. 6. & 23. de cr. de resor. c. 1.

ECCLESIASTICÆ disciplinæ & tuendæ & restituendæ ratio in eo præter cætera posita est, vt personalis residentia munus ipsi præstent, qui ecclesiastica beneficia, præsertim cum animarum cura coniuncta, obtinent. Ideo hoc de genere sacra œcumenica synodus Tridentina decreta duo fanciuit, vnum Paulo Tertio, altero Pio Quinto Pontificibus maximis.

Quæ duo decreta quò frequentius hominum mentibus infixæ, nulla aut obliuione, aut desuetudine abolerentur, in omni Concilio, nõ solum prouinciali, sed diocæsano promulgari iussit.

Quamobrem ea ambo ad Tridentinæ sanctionis illius præscriptum in hoc nostro diocæsano conuentu euulgari, & de suggesto pronunciari mandamus.

## Decretum. VI.

De promulgat. constit. de clericis male promotis. Bolla edita 18. Cal. Decemb. 1461. Tit. quæ ad ord. sacra. pag. 91.

De promulgat. constit. de Confid. edita Cal. Jun. 1569. Prou. 3. vti.

SANCTIONEM à Pio Secundo contra clericos editam, qui sine canonica dispensatione extra stata tempora ante legitimam ætatem se ad aliquem ordinem prouehi procurauerint, legi volumus ad præscriptum Concilij nostri Prouincialis tertij.

## Decretum. VII.

DE confidentijs cõstitutionem, quã Summus Pontifex Pius Quintus edidit, quotannis in synodo diocæsana de scripto recitari, prouinciali decreto iussum est.

Ideo illam à Cancellario de suggesto legi mandamus.

## Decretum. VIII.

De promul. de cr. de viua & honest. clerice.

QVALES eos esse oporteat, qui diuino cultui sacrisq; mysterijs consecrati sunt, cœlestis magister Christus Do-

minus docuit illis verbis: [ Vos estis sal terra ac lux mundi. ] itaque nihil illos agere, nihil gerere, nihilq; præferre oportet, quod non simplex, castum, integrumq; sit; vt modestia, morum sanctitatis, ac virtutum denique omnium cæteris exemplum, quasi lumen aliquod ipsi præbeant.

Quare clericorum animis nihil frequentius infigi oportet, quàm canones, decreta, constitutiones, de vitæ honestate eorum sanctitas.

Et quoniam eo de genere in Concilio Prouinciali primo certas & explicatas rationes præscripsimus, illas vobis in hoc diocæsano conuentu de verbo ad verbum publicè repeti volumus, quò diligentius exequamini, quæ ad vestri ordinis dignitatem pertineat.

Primo die synodali sub vesperum orationis mentalis in quinque partes distributa, his verbis enunciata.

1 Fratres charissimi. Toto pio affectu orate pro sanctis. D. N. Gregorio Papa Decimotertio: vt eum Deus Spiritu sancto suo in salutari gratia cõseruet, gubernet, dirigat, ac defendat.

2 Fratres charissimi. Toto cordis affectu orate: vt inclinet Deus ad precibus humilitatis nostræ aures misericordie suæ, & in protectione Ecclesie suæ sanctæ antiqua brachij sui operetur miracula: ita vt hostium audacia dextere diuinæ auxilio prostrata, pacis tranquillitate fruatur, & in laudibus misericordie diuinæ incessabili exultatione letetur.

3 Fratres charissimi. Toto cordis affectu orate pro Serenissimo nostro Rege Catholico Philippo: vt desideria in eobona Deus quotidie multiplicet: arma cœlestia eidem tribuat; quibus protectus, aduersantium conamina cõfringat, commissaq; culturarum gentium gubernacula, iure pietatis in perpetuum tucatur.

4 Fratres charissimi. Toto cordis affectu orate; vt Deus regnorum omnium protector, in Portugallie regnum charitatem pacis infundat, cœlestiq; benedictione prosperum ac felicem rerum successum dignanter attribuat.

5 Fratres charissimi. Toto cordis affectu

Tit. eod. p. 15.